

# اللقاء ( 10 ) | #وأنذرهم\_يوم\_الحسرة | د . أحمد جلال

أحمد جلال

السلام عليكم ورحمة الله وبركاته اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه ومن تبعهم باحسان الى يوم الدين اما بعد - 00:00:00

اليوم باذن الله تبارك وتعالى يعني هنراجع مراجعة خفيفة على خطبة الجمعة. ونكمل ما بدأناه في هذه الخطبة خلونا من البداية نتفق على حاجتين الامر الاول ان كل انسان منا يسعد في هذه الدنيا من اجل ان يكون سعيدا - 00:00:27

كلنا الشباب اللي اللي طلبة جامعة معنا النهاردة لسه مخلصين كليات يدوبك ما فيش ساعة مسلا وجم جري مسلا علشان يحضروا درس. هو بيطلب من وراء ذلك رضا الله والسعادة في الآخرة - 00:00:52

ووالدنا الكريم اللي طلع برة برة مصر واتغرب وقعد سنين طويلة جدا برة لو جيت سألتك انت بتجمع الفلوس ليه وبتتعب نفسك في السفر برة مصر ليه؟ يقول لك انا عايز اضمن لولادي حياة سعيدة - 00:01:10

حتى الانسان منا حتى لو عصى ربنا سبحانه وتعالى اه بحكم انه انسان هو بيرجو من وراء المعصية انه يكون سعيد اتعرف على بنت عايز يكون سعيد رغم طبعها ان ده لا يأتي بسعادة ولا يأتي بالتعاسة طبعها ده يقين - 00:01:29

تلاقي سبحانه الله يشتغل شغلانة التعب فيها غير طبيعي. بس هو عايز يبقى فرحان عايز يبقى سعيد. يجيب فلوس من ورا الشغلانة اللي الزوج لما بيتزوج ربنا سبحانه وتعالى بياخر الحمل بعض الشيء عند زوجته بتلاقيه ممكن يصرف الالف مؤلفة - 00:01:50

علشان ربنا يرزقه الولد ولو سألتك ليه؟ عايز يبقى سعيد بالولد ده فاذا كان ده سعي الانسان اصلا لسعادة الدنيا العاقل لازم زي ما هو بيتعب في الدنيا علشان يكون سعيد - 00:02:10

طبيعي جدا انه لازم يتعب في الدنيا علشان يسعد في الآخرة والله سبحانه وتعالى يقول والآخرة خير وأبقى. الآخرة هي اللي باقية. وهي الافضل وهي الاحسن بل لا تقارن الدنيا بالآخرة اصلا - 00:02:29

في اكثر شيء بيزعل الانسان لما بيراجع نفسه لما بيراجع نفسي بلاقي دايم ان انا ياما بجتهد ان انا افرح نفسي او افرح اللي حواليا وبزعل جدا من نفسي ان في كثير من الاوقات انا ما بسعاش لسعادتي في الآخرة. زي ما انا بسعى بسعى في الدنيا لسعادتي - 00:02:51

في الدنيا بردو حد عنده محل. فمممكن المحل ده شاغله كثير جدا. وتلاقيه ممكن يسافر مسلا يعني بلاد بعيدة جدا يجيب بضاعة على عشان يبيع ويشترى وربنا يرزقه ويعطيه. كل ده عشان يبقى سعيد. دنيا - 00:03:14

طب في نحن يا اخوانا سعيينا لسعادتنا في الآخرة. ده قانون لازم يكون واضح عندنا كلنا. والانسان منا اللي مش هيتعب في الدنيا علشان يسعد في الآخرة صدقوني ده حصرته هتكون شديدة يوم القيامة - 00:03:36

زي ما انت بتسعد في الدنيا وبتسعى علشان تسعد في الدنيا برضه اسعى في الدنيا علشان تسعد في الآخرة. ده قانون مهم جدا القانون الثاني ان اللي عايز يوصل للسعادة بيتعب شوية - 00:03:56

بس احنا بنتحملها علشان السعادة. نفس الكلام. السعادة في الآخرة محتاجة منا تعب شوية. محتاجين نتعب شوية علشان الآخرة محتاجين نتعب شوية علشان الآخرة في ناس عملت كده تعبت في الدنيا شوية قيامها بالليل في قرايتها للقرآن في سعيها لطلب العلم في درس علم في مسجد في رمضان - 00:04:14

طول شوية والحر شديد فواقفين على رجليهم. فيه ناس تعبت. بس صدقوني الناس دي السعادة بتفضل ملازماها من من ساحة

الطاعة لحد ما تقابل ربنا سبحانه وتعالى في ناس بتتعب في الدنيا - 00:04:43

علشان تبقى فرحانة في الآخرة يكفي الناس دي حديث واحد بس يعني حديث واحد بس. بين روايتين بتوعه. الحديث الاولاني اذا دخل اهل الجنة الجنة. الناس تعبت في الدنيا قابلت ربنا يوم القيامة. دخلت الجنة. فقال الله سبحانه وتعالى يا اهل الجنة هل رضيتم - 00:05:02

انتم رضيتم بما انتم فيه؟ قالوا يا ربي وما لنا لا نرضى. وقد بيضت وجوهنا؟ يعني يوم ما تبيض وجوه تسود انت اكرمنا ان وجونا ابيضت. وقد بيضت وجوهنا وادخلتنا الجنة ونجيتنا من النار - 00:05:29

فما لنا لا نرضى؟ الروايتين بقى فيقول الله عز وجل اليوم احل عليكم رضواني فلا اسخط عليكم ابدا تخيل ان يوم القيامة لما تسمع الكلمة دي من ربنا سبحانه وتعالى. اليوم احل عليكم رضواني فلا اسخط عليكم ابدا - 00:05:49

الرواية الثانية فيقولون اي ربي وما لنا لا نرضى وقد بيضت وجوهنا وادخلتنا الجنة ونجيتنا النار؟ فيقول الله سبحانه وتعالى يوم اعطيكم ما لم يعط احداه. في كشف ربنا تبارك وتعالى عن وجهه الحجاب فما اعطوا - 00:06:13

شيئا احب اليهم من لذة النظر الى وجهه الكريم ما فيش سعادة بعد كده. ما فيش سعادة بعد كده بقى خلاص. لان هم خدوا اعلى سعادة. ان هم شافوا ربنا سبحانه وتعالى - 00:06:33

فما اجملها من لحظات اللحظات اللي الانسان فعلا يسعد فيها. قال النبي صلى الله عليه وسلم فيقول الله سبحانه وتعالى واين اهل البلاء؟ فيتقدمون. الناس اللي كانت في بلاء شديد في الدنيا وصابرة وراضية ومحتسبة - 00:06:48

فيقول الله سبحانه وتعالى ما فعلتم في الدنيا قالوا اي رب ابتلينا فيك فصبرنا. كنت بحب ولد ولما عرفت ان ده لا يرضيك انا سبته. فانا اتألمت بسبب ترك الولد ده او العكس كنت بحب بنت وسببتها. علشان انت لا تحب هذا. انا كنت بحب معصية معينة - 00:07:08

انا فسببتها لانك لا تحب هذا. انت امرتني وحثتني على قيام الليل فانا قمت بالليل قيام ليل. رغم ان انا جاي من شغلي تعبان فعندي عمل ثاني يوم. انا كنت حريص على بري لوالدي ووالدتي رغم التعب والعناء. رغم التعب والعناء. بس علشان ربنا يرضى - 00:07:35

امبارح كنت في زيارة لحد بيقول لي آآ ان هو كان مريض شوية. فيقول لي واحد صاحبي فضل ملازمي في المستشفى الاربعة وعشرين ساعة الاربعة وعشرين ساعة يقول لي لعلك تحتاج حاجة؟ لعل زوجتك تحتاج حاجة. لعل اولادك يحتاجوا حاجة. فانا دايمًا جنبك. فسألته انت بتعمل كده ليه - 00:07:55

فضحك كده وقال لي اوعى تظن ان انا بعمل كده علشانك. ده انا بعمل كده علشان ربنا بيحب كده انا بعمل كده علشان ربنا بيحب كده. وامرني بكده. فبهز معها مش علشانك ها؟ مش علشانك ده علشان ربنا. ما هو ربنا هو اللي امرني ان انا - 00:08:15

يعني ابذل من اجل اخي. ابذل من اجل اخي. فهو تعب وعطل حياته شوية علشان يرضي ربنا. اللي يتعب ده يا رب ابتلينا فيك فصبرنا. ابتلينا فيك فصبرنا. شاب من الشباب كان بيعمل في دولة معينة من دول الخليج مشهورة والعياذ بالله - 00:08:32

الفواحش وكان يبجبر جبرا كده كان بيقول لي انا باخد بما يساوي ثلاثين الف جنيه مصري في الشهر. ولكن انا اجبر جبرا ان انا لا اصلي. ما فيش حاجة اسمها صلي. انت عندنا تفضل شغال معنا الا لما تروح بيتك ابقى صل. اجبرت جبرا اجمع - 00:08:52

طهر وعصر ومغرب وانا مروح على العشاء. فحسيت ان ديني بيضيع مني. فسبته وجيت اشتغلت هنا في الدنيا الملعبكة في مصر ابتلينا فيك فصبرنا. ابتليت في احب الناس اليها في ابنتها. او في ابنها مرض شديد او بلاء شديد. ومع - 00:09:12

ذلك ما كانت تقول الا ما يرضي الله سبحانه وتعالى. ابتلينا فيك فصبرنا. بس الناس دي اللي تعبت في الدنيا علشان ربنا سبحانه وتعالى. الشاب اللي انا مقدر الان مقدر الان قدر البلاء الشديد في الجمع - 00:09:32

يعني انا لسة اخ من اخوانا المتزوجين. وعنده اولاد ربنا يبارك يا رب. شغال في الجامعة بيقول لي انا بخش الجامعة وعارف قدر الفتن اللي ولادنا وشبابنا بيفتنوا بها في الجامعة. من شدة البلاء اللي موجود هناك. ومن عري البنات في الجامعة - 00:09:50

فيقول لي انا شايل الهم وانا متزوج. فما بالك الشاب اللي مش متزوج! يأتي هذا الشاب بين يدي الله فيقول اي رب ابتلينا فيك انه يكون ارزاقني على باب الله شاب على باب الله كهربائي ولا نجار ولا ولا ايا كانت وظيفته سهل جدا انه - 00:10:12

يضحك علي وياخذ يعني مني فلوس قد كده. ولكن قال انا اللي يرضي الله. انت بس المشكلة عندك الكهرباء كانت حاجة بسيطة كده انا مش عايز العشرين جنيه. مع انه كان سهل يضحك علي ويقول لي ده كان فيها مشاكل كذا وكذا وكذا ومحتاجين كذا. ويدبس لي في - [00:10:32](#)

تلتمت جنيه. ابتلينا فيك فصبرنا. اب كريم من اباونا الكرام ابنه بيموت بين ايديه. محتاج عملية كبيرة جدا محتاجة عملية كبيرة جدا. وتتعارض عليه رشوة كبيرة جدا. ورفض الرشوة. النهاردة بعد صلاة العصر - [00:10:52](#) كنت في مشوار قضاء حاجة مع احد اخوانا الطيبين يعني لو احنا عند الشخص اللي احنا كنا عنده ده فيقول لي انا في عز ما انا في ازمة كبيرة جدا. ازمة مادية شديدة جدا - [00:11:12](#)

ولازم يكون معي فلوس. تتعرض علي رشوة قد كده. وانا محتاج فلوس. ومع ذلك سبتها لله سبحانه وتعالى فبسأله طب وانت ايه اللي بيعينك على كده؟ قال لي انا لو تعبت او مرضت بحط ايدي على مجال التعب كده واقول بسم الله ارقيك - [00:11:29](#) من كل شيء يؤذيك ومن كل شيطان وهم ومن كل عين لامة. بقول اللهم رب الناس اذهب البأس اشف انت الشافي لا شفاء الا شفاؤك. اللهم مين الشفاء لا يغادر سقوة بيقول لي ثاني يوم الصبح بيبقى كويس. والله العظيم كده بيقول لي ثاني يوم الصبح ببقى كويس. فانا لا يمكن اخذ - [00:11:49](#)

حاجة حرام تخش الجسم تلخبط كل حاجة عندي. لا انا مش عايز كده. فدل لما يقفوا بين ايدين ربنا يا فرحتهم. لما ربنا فسبحانه وتعالى يقول لهم ما فعلتم في الدنيا؟ فيقولون اي رب ابتلينا فيك فصبرنا. ابتلينا فيك فصبرنا - [00:12:09](#) احد اخوانا الشباب كنا في زيارة له في القاهرة عمل حادثة ورجله في الحادثة تم بترها. وهو من الشباب اللي ايه ما شاء الله في الكورة لعب كورة. لعب كورة - [00:12:29](#)

ومع ذلك استقبل البلاء كده انا لله وانا اليه راجعون. يعني اللهم اجرني في مصيبي واخلفني خيرا منها. راضي باللي ربنا وتعالى قدره عليه. فيقول الله لهم يوم القيامة ما فعلتم في الدنيا؟ فيقولون اي رب - [00:12:43](#) فينا فيك فصبرنا؟ فيقول الله عز وجل ادخلوا الجنة بغير حساب ولا سابقة عذاب. هي دي الفرحة هي دي السعادة. هي دي السعادة الدائمة الباقية. اللي والله يا اخواني اي سعادة في الدنيا بتنقضي مهما كانت - [00:13:03](#)

او مهما كانت يعني طول فترتها هتنقضي هتخلص. هي الدنيا كده اصلا. انما السعيد فينا اللي يشتري السعادة الباقية سعيد فينا اللي يشتري السعادة اللي بتدوم. السعيد فينا اللي يشتري السعادة يسمعها من ربنا سبحانه وتعالى. ابو بكر - [00:13:23](#) في الصديق رضي الله عنه والله يا اخواني انا كان نفسي اكون مع النبي صلى الله عليه وسلم في وقت نزول هذه الايات. والصديق رضي الله عنه عمال بيجري في الدنيا. عمال بيجري في الدنيا بعدما كان سيدا منعما عزيزا في قومه - [00:13:45](#)

ابو بكر الصديق كان حد كده مكة كلها تتمنى ان هي تروح تقعد معه شوية. بعد ما اسلم مع النبي صلى الله عليه وسلم وبدأ بقي يعني مرحلة الجهر بالدعوة بعد ثلاث سنين من البعثة بدأت الجهر بالدعوة وبدأ بقي العذاب والشدة والالام - [00:14:05](#) للنبي صلى الله عليه وسلم شافها والصحابة شافوها ابو بكر الصديق كان بيضرب في مكة. بعد ما كان من اغنياء مكة من اغني اغنياء مكة اصرف ما له كله لشراء المعذبين في سبيل الله. ويقعد مع النبي صلى الله عليه وسلم ببردة كده بعباءة كانت مفتوحة -

[00:14:25](#)

حب يزررها ما عندهوش فلوس يشتري زرار. يقفل به العباية فخللها بالخلال الخلال اللي هي الخلعة. عارفين الشوكة كده قافلها بالشوكة كده. لا يلبس هذا الا الفقراء. النبي قاعد معه. فنزل جبريل فقال يا محمد ان - [00:14:45](#) طه يقرئك السلام. واقرئ ابا بكر من الله السلام ومني السلام. وقل له يا ابا بكر ان الله عز وجل اقول لك وانت اللي كنت منع مرفه غني الدنيا كلها تتمنى تيجي تقعد معك شوية. واخبره يا ابا بكر ان الله يقول له - [00:15:05](#)

يا ابا بكر راض انت عني في فقرك هذا؟ ام انت على ربك ساخط؟ فيكى ابو بكر رضي الله عنه بكاء الفرح وقال بل انعم ربي راد انعم ربي راد انعم ربي راب. المسألة مش سماع الصديق للنبي وهو بيقول له - [00:15:25](#)

حرم جسدك على النار خلاص. هذه بشارة - 00:15:45

كانت مشاعر ابي بكر الصديق رضي الله - 00:16:05

شکلها ایه؟ لما تکفل الله عز وجل بانه سیتولی بنفسه ان - 00:16:25

الدنيا. قبل سعادة الآخرة. تعب عِلشان لما يقابل ربنا سبحانه وتعالى ما - 00:16:43

00:17:03

شوفوا معاذ ابن جبل وعلى ابن ابي طالب وعثمان ابن عفان شوفوا ازاي كل واحد من دول تعب في الدنيا علشان ربنا - 00:17:23

00:18:03 - كيلو اتنين كيلو على الرئة يقول لى اروح ازوره -

والله العظيم لا الاقيه فرحان ولا فى عينه حزن. ولا فى عينه زعل. ولا فى عينه خوف. ولا فى - 00:18:32

ممکن اعیسها سنة ونص. دی دی اقصى مدة قالها الاطباء - 00:19:11

الناس دي بتقول اقصى مدة ممكن يعيشها سنة ونص. تمتاشر شهر. بس الناس دي مش فاهمة. بتوزن الموازين - 00:19:31

00:20:12

اللّٰهُ وَمِمِّنَ اللّٰهِ يَرْفَعُ وَمِمِّنَ اللّٰهِ قَعْدَ يَقُولُ كَلَامَ كَدِهَ اَنَا مَا فَهْمَتُوش - 00:20:33

التحاليبا، ويطلع حميد ويكون، يعني يخرج سليم معاف، زي الفل - 00:20:51

وتعالى عبودية حقه سواء حصل شفاء ما حصلش شفاء. سواء البلاء أتوفى او ما اترفعش. هو الاثنين عنده واحد - [00:21:10](#)  
هو الاثنين عنده واحد. ما هو ممكن يشفي. وممكن يظل البلاء. احنا الاثنين عندنا واحد. راضيين باللي ربنا سبحانه وتعالى بيقدريه  
تلاقي الانسان ده سعاده في الدنيا اي عبي ما فعلت في الدنيا؟ قال اي ربي ابتليت فيك ابتلينا فيك فصبرت. طيب ادخلوا الجنة  
بغير حساب - [00:21:30](#)

ادخلوا الجنة بغير حساب. دي ناس دورت على السعادة في الدنيا ودورت على السعادة في الآخرة. وجرت وبذلت وتعبت فتكوني  
نتيجة ان ربنا يسعدها. حطوا بقى الصنف ده على جنب وانا باقول لكم اهو - [00:21:50](#)  
لازم كلنا نبقى مع الصنف ده. لان احنا لو ما عملناش ده هنتعب هنتعب جامد ربنا سبحانه وتعالى سمى القيامة بيوم الحسرة. وفيه  
فرق كبير ما بين الحسرة والندم الندم هو عبارة عن مراحل من الحزن - [00:22:07](#)

مراحل من الحزن الندم ممكن يزال. يعني لو واحد مثلاً في يوم من الايام اذنب ذنباً فندم. ان ندم الندم ده يزيل الذنب ولما تندم  
تفرح. ما هو الندم توبة. فانت تفرح. انما الحسرة مصيبة. في اعظم درجات - [00:22:30](#)  
هي الحسرة. اشد انواع الندم هي الحسرة. وربنا سبحانه وتعالى سمى القيامة ان ده يوم الحسرة وانذروا يوم كذلك يريهم كذلك  
يريهم الله اعمالهم ايه؟ حسرات عليهم. فيملئ ايام الحسرة على مين؟ على ناس معينة كده عملت حاجات عايزين نحذر منها بقى.  
تعالوا مع بعض نركز في شوية - [00:22:53](#)

اعمال السيئة دي اللي يقول للناس خدوا بالكم واحد اثنين ثلاثة اربعة خمس ست سبع اعمال كده. دي اللي هتخليك يوم القيامة  
تتحسر. احنا مش عايزين ده عايزين ان شاء الله يوم القيامة بالنسبة لنا يوم سعادة. عايزين من الناس اللي ربنا سبحانه وتعالى قال  
في شأنهم واما الذين سعدوا. عايزين نسعد. مش عايزين - [00:23:23](#)  
ان شاء الله يكون في عندنا مصيبة لان الحسرة دي يا اخوانا كثير من الناس بيظنوا ان الحسرة دي هتبدأ من من يوم القيامة من اول  
الاهوال مثلاً لا. حصلت دي بتبدأ من ساعة الموت - [00:23:43](#)

الحصة دي بتبدأ من ساعة الموت لما يحس فعلاً هو قد ايه ضيع وقد ايه اهلك اوقات في دنياه؟ قد ايه ما كانش ينفع يدي الدنيا  
القدر الكبير ده من الوقت - [00:23:56](#)

قد ايه ادى للآخرة وقت صغير قوي وقليل قوي يزعل خالص لما اتعرض عليه انه يطلع عمرة مع اصحابه ورفض هيتحسر جداً لما  
وهو بيموت كده يستشعر ويفتكر كل اللي زمايله قالوا له عليه تعال نحفظ مع بعض قرآن هيتحسر - [00:24:13](#)  
قال الله سبحانه وتعالى وبيحذرنا من اللحظة دي وانفقوا مما رزقناكم من قبل ان يأتي احدكم الموت فيقول ربني لولا اخرتني الى  
اجل قريب. فهل صدق واكن من الصالحين فالحصرة الاولى هي حسرته على اوقات ضاعت عليه ما عبدش فيها ربنا - [00:24:33](#)  
حصرته على ذنوب كثيرة جداً. شافها عبارة عن شريط فيلم بتعرض عليه حياته كلها واشد انواع صلاته في الوقت ده هو حصرته انه  
نفسه يتوب ومش عارف يتوب نفسه يتوب ومش عارف يتوب. قال الله سبحانه وتعالى بلى من كسب سيئة واحاط - [00:25:04](#)  
خذ به خطيئتك. فاولئك اصحاب النار هم فيها خالدون. اتفقت كلمة المفسرين على قوله احاطت به اي احاطت به عند موته. فلا  
استطاع ان يتركها ولا استطاع ان يتوب الى الله منها. له عالم في - [00:25:29](#)

سبها ولا عارف يتوب الى الله سبحانه وتعالى من هذا الذنب. وقول الله سبحانه وتعالى وحيل بينهم وبين ما يشتهون اكثر حاجة  
بيشتهيها هذا الانسان اللي ضيع فترات طويلة من حياته. اكثر حاجة بيشتهيها دقيقة واحدة. يقول فيها - [00:25:49](#)  
رب تبت فاغفر لي. ربنا سبحانه وتعالى يقول حيل بينه وبين ما يشتهون. اعظم شيء يشتهيه الانسان وقت الموت دقيقة. يرجع فيها  
للدنيا علشان يتوب بس. علشان يتوب بس فكان الحسن البصري رحمه الله يقول ايها الناس بادروا بالتوبة. بادروا بالتوبة. فان الله  
يقول - [00:26:10](#)

قليل بينه وبين ما يشتهون. اياك ان يجتمع عليك حسرتان حسرة الموت وحسرة الفوت. حسرة في الموت انك بتموت وسايب اهلك  
وسايب اغلى الناس بالنسبة لك. وحسرة الفوت فات عليك وقت التوبة. ما عدش ينفع ترجع علشان - [00:26:41](#)



مش عايزين يجتمع علينا الحصريتين دول. احنا عايزين يعني انا بضيف كلمة كمان للحسن ويا حسرة رؤية مشاهد صعبة على الانسان في هذه اللحظة. رؤية اللي يصعب على اي انسان منا انه يعقلها اصلا - [00:27:01](#)

رؤية نزول ملائكة من السماء. تحمل اكفان النار وحانوت النار. علشان يكون ده مصيرها هذا الانسان مشهد قول الله تبارك وتعالى ولو ترى اذ الظالمون في غمرات الموت والملائكة باسط ايديهم. اخرجوا انفسكم. اليوم تجزون عذاب الهون. من النهاردة عذاب. من النهاردة - [00:27:25](#)

وعذاب مشهد اليم. المشهد اللي اعظم من كده كما قال صلى الله عليه وسلم ويفتح له باب الى الجنة وباب الى فباب الجنة تقول له الملائكة انظر الى هذا المقعد من الجنة فيرى من خيرها وما اعد الله فيها لاهلها - [00:27:58](#)

فيقال له هذا مقعدك من الجنة لو اطعت الله. ثم يقول له انظر الى هذا المشهد فينظر الى مقعده من الجنة الى مقعده الى الجنة. فيقول هذا مقعدك بسوء عملك - [00:28:18](#)

اي حسرة تصيب الانسان في هذا الموطن؟ يجتمع على الانسان عند الموت العاصي الذي ابتعد عن الله فرط في طاعة الله هذه الحسرات حصلت انه سايب اهله. والله يا اخواني اسأل الله ما يكتبها على احد منكم ابدا - [00:28:36](#)

بعدك عن اهلك وعن اولادك. انك تحس انك سايب اهلك واولادك صعبة. صعبة فعلا. بعد الانسان عن اهله وولده صعبة. من اشد انواع الالم النفسي ان التعقوب بعيد عن اهلك واولادك - [00:28:56](#)

وبكرة يا شباب هتحسوا بالكلام اللي انا بقول لكم عليه ده. لما ربنا يرزقك ثلاث اربع اولاد منهم ولد انت بتحبه جدا او بنت بتحبها جدا قلبك متعلق فيها وتقعد مسلا عشرين ثلاثين يوم ما بتشوفهاش. بيبقى الانسان منا هيتجنن. وبيتمنى ان الوقت يبجي بسرعة. والله العظيم - [00:29:20](#)

انا عدت بعد الحج كده يومين كان في احد اخوانا الافاضل بعد ما انتهى بيقول لي انا حاسس ان هو فينا لم يقبل مني فسألته ليه؟ من اخواننا الافاضل من الدعاة - [00:29:40](#)

بيقول لي انا مش طايق جدا لاهلي واولادي وعايز اروح ومش عايز اقعد في مكتب واخشى ان يكون هذا نفاق. قلت له لا ده مش ولكن الخطوة الانسانية اللي ربنا فضلك عليها مالك ابن الحوير وفكرته بهذا الحديث اللي يطمئن قلبه شوية. ما لك ابن الحوث - [00:30:00](#)

رضي الله عنه لما راح للنبي صلى الله عليه وسلم قال الملك ونحن شباب حزاورة نطلب العلم فتعلمنا قال فلما رأى النبي منا شوقا ليهلينا واولادنا قال النبي صلى الله عليه وسلم ارجعوا الى اهلكم وعلموني فكانوا بين ايدين النبي وهم الصحب الكرام - [00:30:20](#)

لولادهم ولاهلم. تقول له لا ده مش نفاق ده ده البشرية بتاعته. فمن اشد لحظات الحسرة على انه سيد اهله واولاده. ويمكن بعض العلماء وهم يؤولون قول النبي صلى الله عليه وسلم ان الميت ليعذب ببكاء اهله على - [00:30:40](#)

قالوا مش عذاب بمعنى عذاب زي عذاب القبر والكلام ده لا خالص. ولكن هو بيتألم نفسيا من شدة بكاء اهله عليه زي بالزبط كده واحد مسلا ابنه تعبان وميته بيعيط. انتم اكيد شفتم الفيديو اللي كان انتشر على الفيس من فضله؟ الاب اللي كان ابنه مريض - [00:31:00](#)

دكتور بيدي لابنه الحقنة في ابنه بيعيط فالاب ايه؟ بيعيط. الولد لسه جاي ياخذ حقنة. فالواد بيعمل كده فالاب بيعمل كده. يعني تستشعر انه بالموالدي. فهذه حسرة. حسرة انه مش قادر يتوب ومش عارف يتوب. حسرة رؤية الملائكة - [00:31:20](#)

هي تبشره والعياذ بالله بالعذاب. حسرة مقاعد النار ومقاعد الجنة. ومن اصعب هذه اللحظات اللي بتكون فيها حسرة فعلى الانسان اللي بعد عن ربنا سبحانه وتعالى هي اللحظة التي ينطق فيها الملائكة بمصير هذا العبد. حين تقول الملائكة - [00:31:40](#)

ايتها النفس الخبيثة ايتها النفس الخبيثة كانت في الجسد الخبيث اخرجي اخرجي الى سخط من الله وغضب وابشري برب غير راض عنك اي حسرة بيشعر بها الانسان في الوقت ده - [00:32:00](#)

قلت لكم قبل كده وهافضل اقولها لكم الناس اللي بتغسل اموات من اكثر الناس معرفة بقيمة الكلام اللي انا بقوله لان ياما غسلنا ناس وهي بتحتضر الدموع لا تتوقف من اعينها. بتعيط بتبكي - [00:32:28](#)

وانت بتغسل حد كده تفضل تقول يا ترى ماذا رأى؟ وماذا سمع؟ علشان يبكي كل هذا البكاء في هذه اللحظات انا مش عايز اتحط في موطن زي ده. قارن بين ده وبين انسان تاني على طاعة. على - [00:32:50](#)

حالة طيبة مع الله سبحانه وتعالى. على قرب يبدأ من البداية اللحظة دي لحظة موته دي تبدأ من البداية بانه يقوم لطاعة. شف شف يعني تستشعر في قول الله وحيل بينهم ان الحيلولة دي مش بايديهم - [00:33:15](#)

ولكنها عقوبة من الله. فكان ان الله حال بين هؤلاء وبين التوبة تلاقي اخرين الله سبحانه وتعالى يدفعهم دفعا لطاعته. في اخر لحظات حياتهم كده. يعني اخر لحظات حياتهم كده تلاقي ربنا يدفعه طاعة - [00:33:35](#)

وان كان هذا الانسان يا اخواني وان كان هذا الانسان ليس من اهل هذه الطاعة. خمس سنين كده ولا ست سنين طلع معنا حد كبير في السن جدا للحج يعني وضع ايه؟ ابنه سافر يحج. ابنه مش عارف دخل مسابقة دخل حاجة. فالولد فاز بالحجة. فاهدى الحج لمين؟ اهدى الحج لوالده - [00:33:55](#)

ناس من افقر ما يكون طلع الراجل يحج معنا واحنا طالعين يمस्क في ده ويقول لي بالله عليك خد بالك منه بالله عليك حقينا في عرفة بدأ ملامح التعب لا لا ان شئت فقل بدأت ملامح الموت تظهر على الرجل. وانا والله رأيته بعيني - [00:34:23](#)

في منى بدأت الامور تشتد جدا. الامر بقى اصعب واصعب. لحد ما انتهينا من الحج. وصلنا المطاف بصوا يا اخوانا بصوا يا اخوانا لما ربنا سبحانه وتعالى يراك في الدنيا كنت حريص على طاعته. ازاى بيختار لك انت - [00:34:47](#)

تموت ازاى؟ الخميس بالليل توجهنا على مطار عبدالعزيز في جدة. واحنا في جدة خلاص ابنه بقى يبسلم لي ولد يقول لي بالله عليك بقى ايه والدي معك بقى لحد ما الطائرة. كنت انا سبقت بساعتين ثلاثة دخلت الشنط بتاعتي وحاجتي انتظر هذا الوالد الكريم - [00:35:07](#)

ودخلنا دخلتوا الحمد لله وزنت له واديته ختم جواز خروج خلاص. يعني في الجوازات خاتم خلاص وطلعنا خلاص قباء منتظرين الطائرة وقاعدين في المسجد بتاع المطار خلاص يعني فجر الجمعة - [00:35:27](#)

فجر الجمعة لسة على الفجر ساعة ساعة ونص دخل قعد جنبي والله يا اخوانا وبدون اي مقدمات الراجل قاعد كده اتوضأ يعني قال لي اصلي ركعتين كده وقعد صلى ركعتين - [00:35:46](#)

ومات ايه اللي يحصل؟ اي اجراء قانوني خد ختم خروج خطوه في تابوت وعلى مصر. لأ ابنه بعد ما كان ماشي خلاص بقى راجع المكان اللي هو شغال فيه في السعودية آآ اتصلت عليه والدك حصل كذا. نزلنا بسرعة تحت المستشفى. فالمستشفى - [00:36:00](#)

الدكتور كشف عليه قال مات. خلاص الاجراءات الرسمية في التابوت ويطلع على فالدكتور ربنا يا رب كل خير قال لي قلت له ابنه شغال هنا وانا خلاص داخل علينا. قال لي خلاص انا هاعمل تحويل على مستشفى الملك خالد في جدة. بحيس ان الراجل ده ايه على ما يروح - [00:36:25](#)

مستشفى تكون الطائرة طلعت وخرج خلاص من من المطار يغسل ويكفن والنهاردة صلاة الجمعة يتصلى عليه في الحرم المكي ويدفن في مكة ايه ده! ايه ده! ويتغسل ويتكفن. بعد ما خلص الحج وفي يوم الجمعة ويتصلى عليه في مكة. وفي في زحام - [00:36:48](#)

فبعد زحام وانتم عارفين الزحام يوم الجمعة في مكة عامل ازاى. وزحام الجمعة اللي بتكون بعد الحج في مكة عاملة ازاى ويدفن في مكة. ايه ده ايه ده! ماذا بينه وبين الله؟ من هنا تبدأ السعادة. من هنا تبدأ السعادة. وشاء الله سبحانه وتعالى - [00:37:09](#)

هؤلاء ونرى هؤلاء. علشان الانسان منا يستشعر كده ان ده طريق وده طريق. ودي لها عاقبة ودي لها عاقبة اي اختيار هذا؟ ابنه ينجح في مسابقة علشان يطلع ابوه يحج علشان يحج ويموت هناك. ويموت في المطار ويتغسل ويتكفن وتصلوا عليه في مكة - [00:37:29](#)

ففي يوم الجمعة بعد حج لها بقى. لا لا ده تدبير من ملك سبحانه وتعالى تدبير من الملك سبحانه وتعالى. ده اللي انت لازم تفهمه. هنا هنا ماذا رأى عند موته؟ وهو متوضي ينتظر صلاة الفجر - [00:37:49](#)

ورقة من حج ماذا رأى عند موته؟ هنا تبدأ بقلب الشوهات. ما فيش بقى حسرات خلاص هنا بشريات البشريات تنزل اليه الملائكة. بروح وريحان. والملايكة تقول له كده ايتها النفس الطيبة كانت في الجسد - [00:38:06](#)

طبيب اخرجني ابشري بروح وريحان. ورب راض غير غضبان. ويرى برضه مقعد انه شايف مقعد النار ده ده كان مقعدك لو عصيت ربنا بس الحمد لله انت ما عصيتش ربنا. شايف المقعد ده ويرى مقعده في الجنة. اي اي بشریات - [00:38:26](#)

يلاقياها الانسان في الوقت ده. بسم الله الرحمن الرحيم. ان الذين قالوا ربنا الله ثم استقاموا تتنزل عليهم الملائكة الا تخافوا ولا تحزنوا وابشروا بالجنة التي كنتم توعدون. طبيب انت يا شيخ نسيت حاجة - [00:38:46](#)

طاق الاهل والاولاد. مش انت قلت لنا ان دي حسرة؟ اه بس انتبه كمل الاية. كمل الاية. لان الملائكة تعلم ان من شد الحشرات اللي ممكن تصيب الانسان. فراق الاهل والاولاد والخوف على الاهل والاولاد. الله سبحانه وتعالى قال الا تخافوا وله - [00:39:06](#)

هو توقع المكروه. مكروه جاي. الحزن على ايه؟ على شيه مضي. الملائكة بتقول لهم لا تخافوا من اللي جاي ولا تشيلوا هم اللي فات. ثم تقول لهم الملائكة نحن اولياؤكم ها؟ في الحياة الدنيا - [00:39:26](#)

وفي الآخرة ما تقلقوش. لا على نفسك ولا على ازواجكم ولا على اولادكم. انت يا بشرياتي يا حشرات اختار النهاردة لازم تختار. اي طريق تحب تمشي فيه. اي طريق تحب تمشي فيه. ما فيش انسان في - [00:39:46](#)

في يوم من الايام سلك سلك المعصية وفرح. الشاب الخليجي اللي طلع اوروبا علشان يعني يبقى بعيد بقى عن اهله والناس ومعارف والكلام ده. ويفجر في ارض ويطلع ويستأجر والعياذ بالله حد للفاحشة وبعد ما يرتكب الفاحشة ويشرب الخمر وينام ثاني يوم الصبح يقوم خلاص ده - [00:40:06](#)

ليلة ما بعدها ليلة كتبت له ورقة وسابقتها له على الكومودينو جنبه. مرحبا بك في نادي الايدز. انا مريض ابو الايدز وانت النهاردة خلاص الايدز انت كمان بقيت واحد معنا - [00:40:26](#)

حاصلات حسنات حشرات احنا مش عايزين ده احنا عايزين الثانية عايزين البشریات اللي تفضل معك يا ابني. عايزين رضا ربنا سبحانه وتعالى. هذا لا يناله الانسان ابدا الا في طاعة ربنا سبحانه - [00:40:39](#)

وتعالى فارق كبير بين ايتين فارق كبير بين ايتين ما بين قول الله سبحانه وتعالى اولئك الذين نتقبل عنهم احسن ما عملوا ونتجاوز عن سيئاتهم في اصحاب الجنة. تعال عندك حسنات؟ اه قبلناها. تعال عندك سيئات؟ اه غفر الله غفرناها. وبين الثاني - [00:40:59](#)

الآية الثانية قال الله عز وجل اولئك لهم سوء الحساب. قالوا سوء الحساب هو الحساب الذي لا يتجاوز الله فيه عن ذنبه تجاوز فرق كبير بشریات وحشرات عايز تختار ايه - [00:41:19](#)

انت اللي بتحدد المصير. وانت اللي بتحدد الاتجاه. بسم الله والحمد لله والصلاة والسلام على رسول الله صلى الله عليه وسلم. وبعد تحديد الطريق اختيار العاقبة امر من الامور المهمة جدا لازم يكون واضح بالنسبة لنا - [00:41:34](#)

احنا للاسف اتربينا من واحنا صغيرين انا عايز اخش طبي وبيعد انه يبقى طبيب بيجتهد بقى في ابتدائي وفي اعدادي هو في اعدادي يخش مش عارف علمي علوم بعد كده في سانوي وبعد كده في تالته سانوي يشد حيله جدا ويروح لاحسن المدرسين - [00:41:58](#)

والدروس والمذاكرة عشان يبقى يجيب مجموع كويس هو واضح عارف رايح فين واضح عارف رايح فين في واحد ثاني مش واضح مش عارف يختار بتلاقي دايمه ده سايب نفسه كده مش عايزين ابدا نكون زي الثاني ده - [00:42:17](#)

انا عايز يا اخوانا كل انسان فينا يبقى محدد احنا رايحين فين وايه اللي عايزة حصلت تعالوا مع بعض بقى نتدارس مع بعض كده الاحمال اللي بتؤدي والعياذ بالله الى حسرة الانسان في الآخرة - [00:42:38](#)

اول عمل واطهر عمل واسوأ عمل. وهو والعياذ بالله المهلك للانسان وهو سبب كبير جدا من اسباب الحشرات ان يعمل الانسان العمل لغير الله عز وجل رياء الرياء انه دايمه كان بيطلب بالعمل ده دنيا. مش ربنا - [00:42:54](#)

من اربع سنين بالزبط من اربع سنين بالزبط النهاردة يعني بقالي تقريبا في المسجد هنا بالزبط ثلاث سنين واسبوع اخر الايام لي في الصديق جالي شاب وانا عايز التزم وعايز اتوب الى الله سبحانه وتعالى وعايزك تقف جنبي وعايز احفز قرآن كويس ماشي. وبالله عليك ما تسيبني رائع - [00:43:19](#)



واظهر لي همة وانت لو مسافر في حنة انا عايز اجي معك. انا عايز السنين اللي فاتت اللي ضيعتها. انا عايز ابقى كويس. انا مش

عارف ايه كويس ولكن سبحان الله - [00:43:54](#)

في حاجة هنا كده والله وتمر الايام بيقول لي انا واحد في مشكلة كبيرة ايه المشكلة الكبيرة انا ابو خطيبي بتصلي معك هنا على

طول واحنا في مشكلة كبيرة جدا وما حدش هيجل المشكلة دي الا انت - [00:44:11](#)

انا ما فيش اصل مشكلتي والله ان انا كنت باشرب مخدرات وابو خطيبي عرف فهو فشك الموضوع. فانا عايزك تقوله بقى ان انا ايه

بقيت كويس والتزمت وباحفظ معه القرآن - [00:44:35](#)

هي لما لما بيلعب هنا كده سبحان الله فحاولت اصلح لعل يلا يعني لعل انا اللي عندي سوء زن. اصلح بقدر مصلح. اصلح. فاتكلمت مع

مع والدها قال لي ياما قال لي الكلام ده - [00:44:53](#)

الجو صعب ومش عارف ايه فالمهم قال لي خلاص والله نعمل اختبار قلت له خلاص سيب لي بقى الاختبار ده علشان يتبين فعلا كان

صادق ولا فقلت له خلاص انا هقول له ان انت رفضت واشوف رد فعله بعد يومين ثلاثة ايه - [00:45:12](#)

اذا فضلوا لهم على حفظ القرآن وفضل مداوم على خلاص يبقى ده كويس انسان كويس ويصلح فعلا والله انا بمجرد بس ما قلت له

ده وليدها رفض قال لي انا من يوم ما شفتك اصلا وانا عارف ان انت شيخ متشدد - [00:45:33](#)

ماشي خلاص جزاكم الله خير شكرا انتم متخيلين اللي يصلي في يوم من الايام علشان مصلحة دنيوية امبارح كنت قاعد مع حد

كده صديقي صاحب شركة كبيرة يعني وهو صاحبي ده ربنا يا رب يحفضه ويبارك فيه ان الناس طيبين بس مشكلته انه ايه انه آآ لما

يكتئب يخش في موت بقى المشيخة - [00:45:58](#)

ولما الحمد لله الكتاب يروح يرجع ثاني فيقول لي سبحان الله انا يعني اول ما بيحي لي بقى دور المشيخة ده ما اقول لكش الموزفين

كلهم كلهم ساعة اذان الظهر مستنيين على باب المسجد. داخلين يصلوا. يقول لي اقسم بالله واللاقي بعضهم - [00:46:24](#)

في ببسلي علي والدمعة في عينه بتعيط ليه يا ابني؟ انا قرأت اية امبارح مأثرة في جدا قول قول هات في صنف من الناس كده في

صنف ربنا يعافينا اذا عمل عملا - [00:46:47](#)

هو يعمل على شنب بيحي من وراه مصلحة دنيوية سواء بقى كان ثناء ناس منزلة عند ناس نسأل الله سبحانه وتعالى السلامة انه

ممکن في يوم من الايام وهو بيتكلم في الدرس يحاول بقى يعمل نفسه متأثر - [00:47:04](#)

يا رب ارزقنا الاخلاص في اقوالنا وافعالنا اللهم امين الشيطان بيتلاعب بنا لعب من اول الدرس لآخر درس بيتلاعب بنا لعب ما بعده

لعب ونسأل الله سبحانه وتعالى انه يرزقنا حسن مواجهة لهذا الشيطان - [00:47:20](#)

طب الحنة دي دس عليها شوية. طب اترك على دي. طب في الخطبة بص طب مش عارف في بعض الناس ممكن يجي له الشيطان

وهو بيدعو الى الله. ويدعو الى الله. علشان يغير نيته. علشان يقول الكلمة بدل ما - [00:47:38](#)

هو بيرجو من ورائها عودة الناس الى الله. يرجو من ورائها ان الناس تخرج تقول يا سلام! كانت خطبة النهاردة ما فيش بعد كده

فدايما يا اخوانا بقول لكم اكبر عمل هيتحسر عليه الانسان يوم القيامة هو العمل الذي عمله الانسان بيتغي به الناس. لا بيتغي به الله

سبحانه وتعالى - [00:47:55](#)

اللي ممكن في يوم من الايام تزوح جمعية خيرية وتشغل تشغل في عمل خيرى علشان هي كانت بتدور على عريس فقالت

الجمعيات الخيرية فيها ولاد وبنات فان الصاد واحد من هناك - [00:48:16](#)

اللي ممكن في يوم من الايام يطلع في عمل خيرى ويبهذل نفسه في عمل خيرى ويرجو من وراء ذلك انه ثناء او كلمة من ناس او او

او الى اخره - [00:48:31](#)

اللي ممكن يعمل عمل علشان يحس ان هو عمل النبي صلى الله عليه وسلم قال لنا ان اكثر الناس حسرة يوم القيامة هؤلاء. قال الله

سبحانه وتعالى تخيل انسان ان - [00:48:43](#)

الاعمال دي كلها اتكتبت الملايكة شايعة واحد بيعمل الاعمال دي كلها فاتكتبت الاعمال. اتكتبت حسنات كثير وهو بين ايدين ربنا

سبحانه وتعالى يرى هذا المشهد. بسم الله الرحمن الرحيم وقدمنا الى ما عملوا من عمل ها - [00:49:02](#)

تخيل انسان يرى جبال حسنات. جبال جبال حسنات. بين ايديه في القيامة. ومرة واحدة يلاقي الحسنات دي بتنسى في كده وقدمنا الى ما عملوا من عمل فجعلناه هباء منثورا الاية الثانية اللي في سورة الغاشية قال الله وجوه يومئذ ايه؟ خاشعة. يعني ايه خاشعة؟ ذليلة حقيرة. عام - [00:49:22](#)

ليلة ناصبة. يعني ايه اعمالنا ناصبة؟ يعني ايه في الدنيا؟ عملت اعمال صالحة بالهبل. يعني ايه ناصبة؟ يعني ايه ناصبة النصب والتعب. فرينا بيقول الناس دي عملت وايه؟ وتعبت. فالناس دي يا اخوانا عملت اعمال كثيرة وتعبت - [00:49:49](#) وتعبت عاملة ناصبة. فالتوقع اللي بعدها بقى في جنة عالية. للناس دي تعبت في العمل الصالح. عملت العمل الصالح وتعبت فيه الا ان الله قال شف اول الايات وجوه يومئذ خاشعة ذليل حقيرة. عاملة ناصبة شف اللي بعدها تصلى نارا - [00:50:09](#) شوف بقى العقاب تسقى من عين انية هي التي بلغت اعلى درجة من درجات الحرارة ليس لهم طعام الا من ضريح لا يسمن ولا يغني من جوع بتقعد مع نفسك كده الناس دي عملت ايه - [00:50:33](#)

بتلاقي اهل التفسير يقول لك دول اللي كانوا بيتعبوا نفسهم زمان في الدنيا في اعمال كثير ما كانوا يرجون من ورائها وجه الله كانوا بيطلبوا كلام الناس كانوا بيطلبوا ثناء الناس. كانوا بيطلبوا منفعة معينة من وراء هذا الامر. زي ما بعض الناس بتلاقيها بتتدحلب كده وبيصلي ومراته منتقبة - [00:50:54](#)

علشان يوصل لمركز معين تلاقوا ناس كده ان هو يقول لك مسلا انا اتعبد لله علشان ينال مكانة معينة عند الناس. يعمل عمل معين على عشان ينال فلوس معينة عند الناس. فيه ناس كده لما بتعبد ربنا مش لله لمصلحة تانية. لمصلحة والعياذ - [00:51:18](#) بالله اخرج مصلحة دنيوية. ربنا بيقول ان دول اكثر الناس يتحسروا على احوالهم في القيامة. قال تعالى وقدمنا الى ما عملوا من عمل فجعلناه هباء منثورا. لذا يا اخواني اللي عايز ينجو من الحسرة دي يوم القيامة يراجع دايم اعماله اول باول. عمله - [00:51:38](#) وعمل ليه اسمعوا الحديث ده النبي صلى الله عليه وسلم بيقول ان اخوف ما النبي خرج كما يقول ابو سعيد الخضري خرج علينا النبي صلى الله عليه وسلم ونحن نتذاكر الدجال في فتنة اعظم من - [00:51:58](#)

فقال النبي اولاً اخبركم بما هو اخوف عليكم عندي من الدجال؟ ايه ده؟ في حاجة اعظم من الدجال؟ قالوا قال النبي صلى الله عليه وسلم الشرك الخفي. قالوا يا رسول الله وما الشرك الخفي؟ قال يقيم الرجل يقوم الرجل للصلاة فيحسن - [00:52:11](#) اهالي ما يرى من نظر الناس اليه الشرك الخفي سماه النبي شرك خفي ودي الناس اللي يوم القيامة نسأل الله سبحانه وتعالى السلامة اللي تكون حصتها كبيرة جدا. النبي يقول في الحديث من سمعها سمع الله به يعني ايه - [00:52:31](#)

الله به يوم القيامة بعد ما كانت الناس في الدنيا بتقول عليه ده فلان كذا وفلان كذا يوم القيامة نسأل الله سبحانه وتعالى السلامة يسمع الله به على رؤوس الاشياء هذا الرجل ما كان يعمل للعمل ابتغاء وجهه انما كان يعمل للعمل من اجل كلامكم. واشد حشرات هؤلاء - [00:52:50](#)

يوم ما ربنا يقول لهم لما ينادي الله عز وجل على الذين كانوا يراؤون الناس في الدنيا فيقول الله لهم اذهبوا الى الذين كنتم تراؤون في الدنيا واطلبوا عندهم وحوض اجرهم منه بقى - [00:53:13](#)

هيعطوا له اجر. ضاع الانسان ده للاسف يا اخوانا علشان الانسان ينجو من حصلة الآخرة اول عمل محتاجين نعمله هو الايه اخلاص الانسان الدائم في كل قول وفي كل فعل وفي كل عبادة. واختم معكم بجزئية مهمة جدا. للاسف كنت عايز اكمل الاعمال النهاردة بس ما لحقناش المشكلة الكبيرة جدا يا اخوانا ان - [00:53:27](#)

بعض الناس لما بنتكلم معهم في الاخلاص والرياء حياتهم بتسود الدنيا عندهم بتضلم لا يا اخوانا الامر يسير الامر يسير سيبنونا بقى من متصوفة الكوفة والبصر اللي دوشوا دماغنا. دول كانوا ناس متصوفة ما كانوا من اهل العلم ما يعرفوش. وتلاقي الواحد يقول لك - [00:53:51](#)

منهم ايه؟ من رأى ان عمله فيه اخلاص فعمله هذا الاخلاص يحتاج الى اخلاص وتلاقيه يكلع لك الدنيا والدنيا كلكتك ما تبقاش

عارف تعمل ايه. حتى ان فيه سؤال جاي لي الان بيقول لي يعني يعني حاجة زي كده برضو يعني - [00:54:12](#)  
الخوف اهو الخوف من طلب العلم لعدم الوقوع في الرياء. ايه الحل؟ اهو لا يا اخواننا الامر بسيط. انا لا افعل هذا ابدا العمل بلحظات  
يا رب والله ما افعل هذا العمل الا ابتغاء وجهك. بينك وبين ربنا. جه الشيطان انا بقول لك اهو الشيطان بيتلاعب بنا في الخطبة وفي  
الدرس مئة مرة - [00:54:32](#)

بالسيف. يعني فاحنا بقى لو الخوف بقى من الرياء نقعد في بيوتنا. لا احنا مطالبين ان احنا كل ما يجي يقول لك اعمل حاجة معينة  
رياء اعوذ من الشيطان الرجيم. اللهم اجعل هذا العمل خالصا لوجهك. بس - [00:54:52](#)  
خلاص بقى انت في نهاية الخطبة بتشطب؟ اللهم اجعل هذا العمل خالصا لوجهك. وتنزل. اللهم اجعل هذا العمل خالصا لوجهك. تدعو  
ربنا دائما انه يرزقك الاخلاص في اقوالك واعمالك. اما بقى الناس اللي حاولوا يفهمونا الاخلاص ان ده شيء مش موجود اصلا. لأ نقول  
لهم انتم مش من اهل العلم - [00:55:07](#)

اهل العلم علمونا ان الاخلاص عمل قلبي بين العبد وبين ربنا ايه يا رب؟ هذا العمل ابتغي به وجهك. انوي بهذا العمل. وجه الله عز  
وجل تلاقي ربنا سبحانه وتعالى - [00:55:27](#)  
يحيي قلبك بهذا العمل يفرحك جدا بالعمل ده في الدنيا. ويفرحك جدا بالعمل ده. يوم ما تلقى الله سبحانه وتعالى. حاول كده اجابو  
على الاسئلة بتاعتكم سريعا ان شاء الله - [00:55:37](#)

طيب حكم خروج المرأة من بيتها وهي وضعها برفان لا يستطيع احد ان يشمه. طيب المرأة النبي صلى الله عليه وسلم قال لنا في  
شأن طيب الرجل هو ما ظهر ريحه وخفي لونه - [00:55:50](#)  
الرجل انت لو تحط مسلا طيب عندك او ريحة بتشوف لها لون؟ ماشي كده؟ طيب. اما طيب المرأة وقال النبي صلى الله عليه وسلم  
تطيب المرأة ما ظهر لونه وخفي ريحه - [00:56:10](#)

فاذا كان السؤال على قدر ما عندي ان البرفان ده او الريحة دي ما فيش لها ريحة فلا بأس ابدا. لان العلة فعندنا في تحريم خروج  
المرأة متعطرة ان يجد الناس ريحها. ايما امرأة خرجت من بيتها متعطرة ليجد الناس ايه - [00:56:25](#)  
طب هو ما فيش ريحة اصلا. فلا شيء في ذلك باذن الله. اذا حطت مسلا نوع من انواع المزيلات للعرق مسلا مزيل للعرق هو ما لهوش  
ريحة اصلا ولكن بيكتفم اي ريحة غير طيبة ممكن تظهر منها. نقول لها جزاكم الله خير. جزاكم الله خيرا. طب اذا وضع الطيب له ريحة  
نقول لها - [00:56:45](#)

حرام كبيرة من الكبائر تقع فيها المرأة. تقع فيها المرأة طيب ما الحكم اذا اصاب الملابس نجاسة دون علم مرتديها؟ وصلى بها هل  
تبسط صلاته؟ طيب متى علم متى علمت؟ في الفقه آآ يعني هنتعلم ان شاء الله آآ يكون عندنا دقة شوية في الفقه. هو هنا ببسأل  
بيقول ان في واحد على - [00:57:05](#)

نجاسة وعلم مرتديها هل يا ترى الصلاة صحيحة اذا صلى بالنجاسة السؤال هنا متى علمت؟ اذا علم بالنجاسة وقت الصلاة قبل الصلاة  
وصلى حكم الصلاة ها علم بالنجاسة قبل الصلاة وصلى بالنجاسة حكم الصلاة - [00:57:33](#)

لان من شروط صحة الصلاة طهارة الثوب وثيابك فطهره. صح كده؟ طيب. علم بالنجاسة بعد الصلاة ها لا شيء عليه. لا شيء عليه.  
والصلاة صحيحة. والدليل على ذلك حديث النبي صلى الله عليه وسلم لما صلى واثناء الصلاة خلع نعله - [00:57:58](#)  
له. فالصحابه خلعوا نعلهم. اسأل الله ان يرزقنا الاتباع والامتثال لامر النبي صلى الله عليه وسلم. فلما انهى النبي الصلاة قال لهم انت  
ليه خلعت من نعال القبر رأيناك خلعت فايه؟ اه انت قلعت النعل بتاعك احنا قلعنا احنا كمان - [00:58:18](#)

جزاكم الله خير فالنبي قال لأ ولكن جاءني جبريل فاخبرني ان فيهما اذى فالعلماء قالوا لو كانت الصلاة باطلة كان النبي قال السلام  
عليكم ورحمة الله. والسلام عليكم ورحمة الله. وبدأ الصلاة ايه؟ من الاول. ولكن اخذ العلماء هنا - [00:58:33](#)  
حكم ان الانسان اذا صلى وعلى ثوبه نجاسة لم يعلم بها حتى انتهى من صلاته فصلاته صحيحة. الحالة الثالثة ان يعلم بالنجاسة في  
وقت الصلاة اذا علم بالنجاسة في وقت الصلاة يعمل ايه - [00:58:50](#)

إذا كانت النجاسة دي على حاجة من الثياب يمكن خلعتها لها النجاسة على الشراب. يخلعها ويكمل الصلاة طب لقي النجاسة على البنطلون لأ هنا هيخرج من الصلاة ويغسل النجاسة ويصلي. طب يتوضأ ولا لا يتوضأ؟ ها؟ لا لا يتوضأ. يزيل النجاسة فقط. يزيل النجاسة فقط. طيب آ - 00:59:07

الحكم ايضاً فيمن صلى لغير قبة. ما هو السؤال ده لأ ما ينفعش كده ما ينفعش اقول اعادة الصلاة مطلقاً اول حاجة لازم أسأله الصلاة دي كانت سنة ولا فرض - 00:59:37

اليس كذلك؟ بلى لان ممكن الانسان يصلي السنة لغير قبة. حديث ابن عمر كان النبي صلى الله عليه وسلم يسبح على راحلته حيثما توجهت دي النافلة او مثلاً يكون الانسان ده مريض - 00:59:53

فاذا كان مريضاً ولا يستطيع التوجه للقبة فصلى لغير قبة حكم الصلاة صحيحة. لا عارف يتجه للقبة ولا في حد يحركه للقبة زي عين الناس اللي بيتحكم عليها بالاعدام لما تخش مستشفى من مستشفياتنا للأسف - 01:00:09  
او او صلى الى غير قبة جاهلاً انا مسلاً سافرت القاهرة آ اجتهدت ما عيشش نت مش عارف انزل برنامج اجتهدت ادور على حد مش لاقى حد فصليت اجتهدت كده فصليت ثم تبين لي انني لغير قبة. فحكم صلاة هذا الجاهل صحيحة بعد ما اخذ بالسباب -

01:00:25

اما اذا كان عالماً بالقبة مستطيعاً التوجه للقبة. ثم صلى لغير قبة فحكم الصلاة لا تصح حكم لا ما احنا قلنا النافلة بقى النافلة تصح لغير آ لغير قبة. في السفر - 01:00:49

شيء نجس بول غائط دم دمي كثير حكم خروج المرأة المنتقبة من بيتها وهي مكتحلة كحل خفيف جداً لا يكاد يرى بالعين انا استشعر انني استدرج من السؤالين اللي فاتوا دول - 01:01:09  
اه ده فخ نفخ هي بدأت اولاً بالريحة اللي ما بيشمهاش حد. وبعد كده بالكحل الخفيف جداً الذي لا يكاد يرى. طب اذا كان الكحل جداً لا يكاد يوروا بتحطه ليه؟ حرام وضع الريحة وحرام الكحل - 01:01:32

صح كده؟ والله العزيم بيعملوا فينا عماليل. والله العزيم بيعملوا فينا عماليل بقى احساناً الزن طبعاً. حكم دخول اللحية حكم حلق اللحية بسبب او بدون سبب. اما اذا كان بسبب داخل الجيش فلا بأس - 01:01:54  
اما اذا كان لغير سبب ارى والله اعلم ان هذا حرام وهذا قول الائمة الاربعة حكم دخول الخلاء وفي جيبى ورقة بها ايات واحاديث اذا كانت في جيبك ولا تخرج ولا تظهر فلا شيء في ذلك - 01:02:20

فلا شيء في ذلك. آ لما روي وان كان في الحديث في اسناده ضعف الا انه من الاحاديث اللي متفق على معناها ان النبي صلى الله عليه وسلم كان اذا دخل الخلاء - 01:02:36

وضع خاتمة. يعني ايه وضع خاتمة؟ دي روايات ضعيفة. خلعه وسابه بره لان ليه ليه سبب الخاتم بتاعه برة؟ اه عشان مكتوب عليه محمد رسول الله هقول لك اهو هقول لك اهو. طيب انا بقى رحت السعودية ومعى مسلاً الف ريال الفلوس - 01:02:46  
مكتوب عليها ايات ومكتوب عليها مسلاً الملك عبدالعزيز الملك مش عارف مين عبدالعزيز ده اسم الله سبحانه وتعالى عبد الملك اسم الله سبحانه وتعالى. فطبعاً مش هقول لك وسيب الفلوس برة لان انت لو سبتها برة - 01:03:09

لا حطها في جيبك ولا تظهر. واستدل العلماء على ذلك بان النبي كان اذا دخل الخلاء ادار خاتمة ادار خاتمة النبي كان يقوم مدور الخاتم كده ويقبض عليه هو لما يقبض عليه بيظهر لفظ الجلالة ففي هذه الحالة اللي اللي داخل مسلاً معه فلوس عليها آ لفظ الجلالة اللي داخل معه ورقة - 01:03:25

آ طب مصحف آ سببه برة ما حدش هيسرقه. والله العزيم هيقولوا اللي ماسك مصحف ده واحد غلبان والله يحط لك عليه فلوس وهتمشي. فانت جرب كده وسيب بس اللي يجي لك بالنص - 01:03:51

المصحف سببه بره. المصحف سببه بره. هذه مما اتفق عليه العلماء على حرمة دخول الانسان بالمصحف السلاسل حلقها حرام. انه ياخذ مزاد عن القبضة ممكن نقول يعني ايه ها ممكن بعض العلماء اجازها. لفعل ابن عمر. ما زاد عن القبض - 01:04:05

آآ السلاسل اللي مكتوب عليها آيات قرآنية آآ حطوا حطوا السلسلة جوة الهدوم. بحيس ما تظهرش بحيث ما تظهرش للنساء للنساء طبعاً. للنساء للنساء. لبس السلسال للرجال اصلاً حكمها؟ يا جماعة يا جماعة دي مش - [01:04:29](#)

الرجالة دي بتاعة الستات هل علي اثم اذا حفظت سورة من كتاب الله؟ ثم نسيته؟ طبعاً حرام عليك. حرام عليك راجع القرآن وداوم على قراءة القرآن ما حكم الحجارة في المكياج؟ في الايه - [01:04:49](#)

هقول لك هو انا مش عارف يعني ايه الحجارة في المكياج الايه؟ اه. التجارة في المكياج بس هي الحجارة. طيب اه الاصل في المكياج انه حلال ولا حرام؟ الاصل لا الاصل - [01:05:23](#)

الاصل فيه. الاصل فيه انه حلال الاصل فيه ان المرة كانت بتاخذ المكياج تتزين لزوجها. ده الاصل فيه انه حلال الاصل فيه انه حلال طيب اه اخت من اخواتنا بتحضر معنا في الدروس وشغالة في شركة معينة بتبيع مكياج وحاجات من كده. يجوز ام لا يجوز؟ بصوا اما اذا كان - [01:05:55](#)

يباع الاخوات مثلاً منتقبات او اخوات محجبات لابسة ايشارب وبس. ولكن معلوم عنها ان هي ما بتحطش المكياج ده في الشارع. بتحطه لزوجها في فلا بأس ابدأ. بل تأخذ بل تأخذ هذه الاخت اللي بتبيع المكياج اجر. ادخال السعادة على قلب مسلم - [01:06:16](#)

والله كده هو النبي صلى الله عليه وسلم يقول اذا نظر اليها ايه؟ سرت فبتدخل السرور وعلى قلب مسلم اما اذا كان آآ داخلة عليها واحدة متبرجة تبرج صاحب تقول لها انا عايزة من الروج ده وعايزة مش عارف من الايه ده ومن الايه ده فهل يجوز ان هي تعطي - [01:06:35](#)

لان لان الله عز وجل يقول ولا تعاونوا على الاثم والعدوان ولا تعاونوا على الاثم والعدوان هل قل هو الله احد تعدل ثلث القرآن؟ هل معناه الثواب؟ ام غير ذلك؟ قولين للعلماء بعضهم قال في الثواب وبعضهم قال في المعنى وبعضهم قال في المعنى والمعنيين صحيحين - [01:06:59](#)

جزاكم الله خيراً انا يحيى هو فين؟ ماشي يا يحيى ربنا يا رب يصلح حالك يا ابني يا رب ويحفزك ويبارك فيك ويبارك فيك في والدك وفي والدتك وفي اخواتك يا رب - [01:07:19](#)

اه هو في حد بيقول انا مش هقول السؤال طبعاً هو بيقول انا نفسي ارجع زي الاول مش عارف كل ما ابعد عن المعصية الكبيرة وحطها بين قوسين ارجع تاني بجد تعبان قوي مش عارف اعمل ايه - [01:07:35](#)

بص يا ابني محلك حلك سب الشارع والحي اللي انت قاعد فيه ده ورح في مكان تاني انقل من من المكان ده هتقول لي ما فيش فلوس؟ هقول لك استلف من طوب الارض وسب الشارع ده والحي ده والمكان ده ورح مكان تاني. ولو تستطيع انك تسافر برة مصر - [01:08:04](#)

صفر ولو تستطيع انك تسافر سافر لان الذنب ده النبي صلى الله عليه وسلم لما تكلم عنه قال ان لازم صاحبه على الاقل يبعد سنة عن المكان ده لان طول ما الانسان موجود في المكان ده هيرجع تاني للزنب مرة واثنين وثلاثة. فلازم على الاقل تطلع برة المكان ده سنة - [01:08:30](#)

لازم تبعد سنة وتختار ارضس كده فيها علماء فيها ناس من اهل الدين واهل الصلاح تقعد وسطهم انما يا ابني هتقول لي انا عايز اتوب. والمعصية دي حواليك وما بتقدرش تسببها كمان وانت شاب والكلام ده هترجع تاني - [01:08:54](#)

حلك الوحيد ما فيش حل الا كده. هتقول لي ما فيش بيع مناديل في الشارع ما عكش فلوس بيع مناديل في الشارع. استلف مبلغ من الناس ورح سوق جملة هات شوية فاكهة وامش بعهم في الشارع. بس اللي - [01:09:15](#)

لازم تبعد عن المكان ده على الاقل سنة. ده فعلاً لاني عايز ان هو فعلاً يعني يسبب الذنب ده يسبب المعصية دي. اما وجودك في المكان هتقع مرة واثنين وثلاثة - [01:09:33](#)

اعمل اي حاجة. اعمل اي لا قدر الله. اعتبر لا قدر الله. حصلت حريقة في البيت عندهم. ربنا يسلمك ويسلم المسلمين يا رب من كل شر وسوء وما عدش لكم بيت تاني فانتهم بتدوروا على بيت تاني في اي حطة. ابويا وامي خد ابوك وامك معي. وانا على يقين انك لو



عملت كده بترضي - 01:09:47

ربنا يفتح لك الف مليون سبب انك تعيش حياة كريمة. طالما انت بتخرج لله سبحانه وتعالى. بعد ما ربنا سبحانه وتعالى قال في كتابه في اواخر سورة العنكبوت يا عبادي الذين امنوا ان ارضي واسعة قال سعيد بن جبير اي اذا عمل في الارض بالمعصية هاجروا منها -

01:10:07

ومن الارض دي اي حد فينا هيسأل نفسه يقول طب يا ترى انا لو هاجرت في مكان تاني لا معي فلوس ولا ولا ولا اي حاجة اعمل

ايه؟ الايات اللي - 01:10:27

بعدها الايات اللي بعدها مباشرة ربنا قال ايه وما من دابة في الارض الا على الله رزقها واحنا في رحلة غينيا اه اخونا حسام كان شاهد

معنا انا وقفت وقفة كده تعجبت - 01:10:37

حد كان جايب معه اكل هنا من المنصورة. الاكل منين عشان اقول لك هيجي لك رزقك من مكان ما كنت تتخيله. رزقك هيجي منين؟

ها؟ انا دلوقتي من المنصورة. فاحنا واخدين اكل معنا واحنا طالعين من المنصورة - 01:10:56

رحنا قعدنا في كوناكري العاصمة في غينيا وبعد كده رحنا مكان بعيد عن العاصمة حوالي ربعميت كيلو. وبعد تعب وعناء اللي كان

يعني عارف الاماكن والكلام ده قال بقى انتم تعبتوا تعالوا ايه افسحكم يوم. رحنا في حطة اسمها الشلال فيها شلالات وكده -

01:11:12

علشان نقعد في المكان ده. خدنا الاكل اللي جايبيته من المنصورة خدنا الاكل اللي جايبيته منين؟ من المنصورة. ورحنا ناكل هناك.

ورحنا ايه؟ ناكل هناك. وتفاجأ ان النمل يتجمع على بقايا الاكل بتاعكم علشان ياكلوا ويأخدوا للجحر بتاعه. الاكل ده جاي منين؟ لنمل

فين؟ ما كان يتخيل ان الاكل ده ممكن - 01:11:32

في يوم من الايام بيعدي آآ الشلات دي على غابة. ثلاث اولاد شافوا ناس بقى ايه بيض. يا ترى دول بقى مين؟ عفاريت مين دول ؟

فجم يببصوا علينا واحنا بناكل. فاخونا حسام ربنا يبارك فيه قام مجهز لهم طبق كده. وقام منادي لهم خدوا الاكل ده - 01:11:57

ايه ده! الاكل ده جاي منين؟ وانتم منين؟ هل كانوا يحتسبوا ان هم بيلعبوا وسط الغابة انه هيلاقوا اكل؟ جه الاكل منين من مكان ما

كان انسان يتخيله مش في الحسبان. يا ابني يا اللي في يوم من الايام بتدور على رزق ورزق اللي انت فيه حرام - 01:12:17

اكثر حاجة بتحول بين الانسان وبين ترك الرزق الحرام ده انه بيقعد يدور ويحسب في الاماكن الايه؟ اللي في دماغه المعروفة يا

ابني ما تتعش نفسك لان رزقي لما هيجي هيجي منين؟ من مكان مش معروف ربنا قال ويرزقه من حيث فانت لو قعدت تحسب -

01:12:37

يجي منين هتلاقي الدنيا بالنسبة لك واقفة هو هيجي لك من مكان انت ما كنتش في يوم من الايام تتخيل ان الرزق ده ممكن يجي

لك منه انا اقول لكم على حاجة - 01:12:57

امبارح انا كنت مع حد صاحبي في مشوار بالعربية. فيقول لي انت انت يعني ايه اول حاجة هتعملها لغينيا قلت له ان شاء الله انا

عايز اجمع مصاحف. الاماكن هناك ما فيش فيها مصاحف خالص. مصاحف قليلة والمصحف يعني هنبقى نوريكم الفيديوهات -

01:13:14

يعني مهري خالص فقلت له انا عايز اودي اول اول حاجة عايز اعملها مصاحف لقيته بيعمل لي ازاي؟ انا طبعا كنت هبدأ معكم في

حملة تجميع مصاحف ماشي كده؟ والله يا اخواننا الاخ ده قام واقف معي كده قايل لي ازاي؟ يعني انت عايز مصايف؟ قلت له اه.

قال لي طب ما تقولتليش ليه؟ قلت له خير - 01:13:37

شف بقى من حيث لا يحتسب بقى دي. لقيتهم بيعملوا ازاي؟ انا الشيخ اللي انا احافز على ايده في الحرم المدني واسطة كبيرة جدا

وراجل اعمال كبير جدا وشيخ وراجل اعمال كبير جدا. وعلى علاقة قوية بمجمع الملك فهد اللي في مكة - 01:14:03

وانا قبل كده كلمته وبعثت لي كوينتين مصاحف من المصاحف بتاعة الايه؟ بتاعة المجمع. سلام عليكم شيخنا. احنا حصل كذا كذا كذا

كذا كذا. ان شاء الله بازن الله نبعت لكم الكونترول من السعودية على غنى - 01:14:22

من حيث ايه؟ انا كنت متوقع هجمع الكونتير منين؟ من هنا. من هنا. فانت فوجئت ان هو فيه باب ثاني خالص خلاص الكنترول

هيتحول لك وخلاص بفضل الله سبحانه وتعالى - [01:14:37](#)

هو كده لازم تفهم في معصية هتسيب الارض دي هتروح ارض ثانية منين من حيث لا يحتسب من حيث لا يحتسب. لازم تفهم ده في عمل حرام وشايل هم هسيبه ازاي واروح فين واعمل ايه؟ من حيث لا يحتسب. ممكن تبقى في قرصة شوية. عشان يتبين الصادق

من غير الصادق - [01:14:54](#)

بس بعدها تلاقي رزق ربنا سبحانه وتعالى جاي لك من من من مكان لا تتخيله. اختتم بالموقف ده اخ كان ملحن لناس كبار جدا. من

اشهر المغنيين في مصر وفي الوطن العربي. اتوب ارجع لربنا - [01:15:15](#)

اتوب ازاي؟ انا علي يعني انا بلحن ده اغنية وبلحن لده بالبوم وباعمل لده مش عارف ايه. فانا اشتريت حطة ارض بالتقسيط وعلي

مبلغ كبير جدا والله يا اخوانا زي ما باقول لكم كده علي مبلغ كبير جدا ويعني مش هينفع اسيب الكلام ده دلوقتي - [01:15:32](#)

ده انا حتى لو اشتغلت في التلحين الاسلامي انتم عارفين اصلا ان الدنيا عندنا واقعة اصلا. القنوات بتاعتنا بتكح تراب خلاص انا سايبها لله. طب ممكن ابيع مسلا كذا؟ طب اعمل كذا؟ طب ممكن اكلم كذا؟ ويخبط على كل الابواب دي؟ ما فيش. الابتلاء بقى اهو

- [01:15:50](#)

العصر بقى اهو طب هتعمل ايه؟ هتكمل في التوبة ولا هترجع ثاني والله ما انا راجع انا مكمل ويفاجئ ان قناة خليجية من اكبر

القنوات الخليجية اتصلت عليه قالت له احنا داخلين على على رمضان وعندنا عشرين ثلاثين برنامج عايزين نعمل لهم - [01:16:13](#)

شوية ايه؟ الحان عندنا الكلمات وعايزين نعمل الحان. يقول لي والله العظيم اضعاف اضعاف اللي كنت باخده في الحرام ربنا بعته لي

في الحلال اوعى في يوم من الايام تشك - [01:16:33](#)

في رزق ربنا سبحانه وتعالى. طالما ان ربنا وعد وقال ويرزقه من حيس لا يحتسب. لا يحتسب هيجي لك الرزق من حيث لا تحتسب

اخونا بقى نرجع له الارض اللي انت فيها يا ابني لازم تسيبها - [01:16:45](#)

لازم ده الحل. سبينا من الكلام كتير انا بكلمك من منطلق واحد شاف الحاجات دي كتير. مع ناس جت بتحكي لي اعمل ايه سبب يا

ابني مش هينفع اسيب هفضل موجود. يا ابني بيع المحل ده وشوف لك محل ثاني. مش هينفع. يا ابني سب المكان ده ورح في اي

حطة ثانية. مش هينفع - [01:17:00](#)

امشي امشي امشي والله يا اخوانا فضل على كده اربع سنين. كل سنة اشوفه في رمضان بييجي يقعد يعيط دم وسبحان الله!

سبحان الله! فين بعد اربع سنين! لما قفل المحل اللي كان صغير قد كده! وربنا فتح عليه دلوقتي في مكان يعني ما شاء الله! الله اكبر

- [01:17:20](#)

الله اكبر. وكل ما اشوفه اقول له انا انا عايز اهدك بالكوباية دي في وشك. على التأخير اللي انت اتأخرته ده فانا نصيحتي سب

الارض دي. سب البلد دي. سب الشارع ده. سب الحي ده. سب العمارة دي ورح مكان ثاني - [01:17:38](#)

وشف فتح ربنا عليك هيبقى عامل ازاي. جزاكم الله خيرا - [01:17:52](#)